



Broj: 05/7-39-1-155-56/19

Sarajevo, 11. 12. 2019.

Z A P I S N I K

56. sjednice Vijeća nacionalnih manjina BiH, održane 11. 12. 2019.

Sjednica Vijeća nacionalnih manjina BiH održana je u Trebinju i počela je u 17 sati.
Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Dejan Piotrovski, Jovanka Manzalović-Šalaka, Velibor Kuvač, Dragan Marković, Todorca Jovanović, Silvija Vujović, Vjeročka Gajić, Nedžad Jusić, Tijana Vučurević, Marija Grbić, Hakan Varan, Eva Pašić-Juhas, Mladen Radmilović i Halil Bicaj.

Sjednici nije prisustvovao Jakob Finci.

Sjednici su, također, prisustvovali: Želimir Lalić, šef Odsjeka za zaštitu prava i saradnju s nacionalnim i drugim manjinama, vjerskim zajednicama i NVO-ima, Nikola Uljarević, predstavnik OSCE-a, Neđeljko Tomašević, predstavnik crnogorske nacionalne manjine iz Trebinja, Zoran Brkić iz Sektora za odnose s javnošću Parlamentarne skupštine BiH, Aida Kreho, sekretarka, i Branislava Vignjević, stručna savjetnica u Uredu Zajedničke komisije za ljudska prava.

Članovi Vijeća nacionalnih manjina BiH **jednoglasno** su usvojili sljedeći

D N E V N I R E D

1. Usvajanje Zapisnika 55. sjednice Vijeća nacionalnih manjina BiH;
2. Dogovor o izradi Izvještaja o radu za 2019. godinu;

3. Dogovor o izradi Prijedloga plana rada za 2020. godinu;
4. Razmatranje dopisa Inspektorata Općine Centar Sarajevo;
5. Razmatranje dopisa za Zajednički kolegij PSBiH;
6. Razno:
 - a) Informacija sa sastanka Koordinacionog odbora za nacionalne manjine, projekat „Horizontal Facility“, koji provodi Vijeće Evrope u BiH u saradnji s Ministarstvom za ljudska prava i izbjeglice BiH.

Ad. 1. Usvajanje Zapisnika 55. sjednice Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda.

Nije bilo rasprave u vezi s ovom tačkom dnevnog reda. Članovi Vijeća **jednoglasno su usvojili** Zapisnik 55. sjednice Vijeća nacionalnih manjina BiH.

Ad. 2. Dogovor o izradi Izvještaja o radu za 2019. godinu

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda.

U raspravi je učestvovao Nedžad Jusić.

Nakon rasprave, **jednoglasno je odlučeno** da, do naredne sjednice, Ured sekretara Zajedničke komisije za ljudska prava Parlamentarne skupštine BiH pripremi Prijedlog izvještaja o radu Vijeća nacionalnih manjina BiH za 2019. godinu, te da ga dostavi članovima Vijeća na razmatranje.

Ad. 3. Dogovor o izradi Prijedloga plana rada za 2020. godinu

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda.

U raspravi su učestvovali Nedžad Jusić i Želimir Lalić.

Jednoglasno je odlučeno da do 10. 1. 2020. Ured sekretara Zajedničke komisije za ljudska prava Parlamentarne skupštine BiH pripremi i članovima Vijeća na sugestije dostavi Prijedlog plana rada Vijeća za 2020. godinu, uz poseban naglasak da se u Plan rada uvrste one aktivnosti koje nisu realizirane Planom rada za 2019. godinu.

Ad. 4. Razmatranje dopisa Inspektorata Općine Centar Sarajevo

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Andrija Svatok, Nedžad Jusić, Davor Ebner, Dejan Piotrovski, Mladen Radmilović, Marija Grbić i Želimir Lalić.

Nakon rasprave, **članovi Vijeća su, s 15 glasova „za“, jednim glasom „protiv“ i jednim glasom „suzdržan“, usvojili zaključak** da se uputi dodatni dopis Inspektoratu Općine Centar Sarajevo s molbom da se Vijeću dostavi dodatna informacija o ukupnom broju objekata koji su u periodu 2018. i 2019. godine srušeni ili je zaustavljena njihova gradnja, na području Mjesne zajednice Crni vrh - Gorica.

Ad. 5. Razmatranje dopisa za Zajednički kolegij PSBiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda.

U raspravi su učestvovali: Nedžad Jusić, Eva Pašić-Juhas i Marija Grbić.

Članovi Vijeća **jednoglasno su donijeli odluku** da se uputi dopis Zajedničkom kolegiju oba doma Parlamentarne skupštine BiH u kojem bi se trebali obrazložiti glavni razlozi za odgađanje studijske posjete Institutu za manjinska prava u Italiji, te naglasiti zadovoljstvo kvalitetom stručne i tehničke pomoći koju Vijeću pružaju zaposleni u Uredu sekretara Zajedničke komisije za ljudska prava PSBiH i službenici Sektora za odnose s javnošću PSBiH, te jasno istaći potrebu da službenici iz navedenih sektora trebaju pratiti rad Vijeća, kako u zemlji tako i u inozemstvu.

Ad. 6. Razno:

- a) **Informacija sa sastanka Koordinacionog odbora za nacionalne manjine, projekat „Horizontal Facility“, koji provodi Vijeće Evrope u BiH u saradnji s Ministarstvom za ljudska prava i izbjeglice BiH**

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Želimir Lalić, Silvija Vujović i Mladen Radmilović.

Primljena je k znanju Informacija sa sastanka Koordinacionog odbora za nacionalne manjine – projekat „Horizontal Facility“, koji provodi Vijeće Evrope u BiH u saradnji s Ministarstvom za ljudska prava i izbjeglice BiH.

Sjednica Vijeća nacionalnih manjina BiH završena je u 17.55 sati.

Sastavni dio Zapisnika je tonski snimak 56. sjednice Vijeća nacionalnih manjina BiH.

Stručna savjetnica

Branislava Vignjević

Predsjedavajući

Vijeća nacionalnih manjina BiH

Andrija Svatok